

u ankuar se nuk dëgjon pothuaj fare nga njëri vesh. Pasi iu bëmë audiogramën dhe provat kamertonale ambulatorisht, shtrohet në spital, në repartin ORL (Fig. nr. 3).

Në operimin, që iu bë po nën mikroskop, pasi hapet zgavra timpanike, vihet re edhe këtu ndërprerje e zinxhirit të kockave të dëgjimit në nivelin e artikulimit stapedoinkuidian. Merret procesi lenticular i inkusit, i cili ishte i larguar dhe, pasi çlirohet nga ngjitjet, afrohet te koka e stapesit, ku ngjitet me pika histakrili. Gjatë ndërhyrjes, çlirohet gjithë zinxhiri kockor nga ngjitjet dhe pllakat timpano-sklerotike, që ndodheshin rreth dritarezës ovale dhe yzengjisë. Kështu zinxhiri kockor bëhet i lëvizshëm. Edhe në këtë rast kemi rikthim të dëgjimit. Kjo u evitua edhe nga audiograma që iu bë pas operimit ku pati përfitim rreth 25 db (Fig. nr. 4).

Dy rastet që përshkruam më lart janë ndjekur nga ana jonë me audiometri dhe pas 6 muajsh. Është vënë re se dëgjimi ka ardhur duke u përmirësuar.

Si përfundim, mund të themi se: dëmtimet e trurit, të gjoksit apo të barkut te një i politraumatizuar mund të jenë aq të rënda, saqë dëmmimi i organeve të dëgjimit mbetet jashtë interesit jetësor në momentet e para të ngjarjes. Por mjekut i del për detyrë të evidentojë rastet e politraumatizuar që shoqërohen edhe me humbje të dëgjimit.

Duke iu referuar edhe literaturës bashkëkohore, është vënë re se në politrauma jo rrallë kemi humbje të dëgjimit, si pasojë e shkëputjes traumatike të zinxhirit kockor.

Futja në përdorim e mikroskopit kirurgjikal ka zgjeruar gamën e ndërhyrjeve rikonstruktive të veshit të mesëm. Kështu, të sëmurëve që kanë humbur dëgjimin pas traumave apo otiteve kronike të qelbëzuara, në pjesën më të madhe të tyre, ka mundësi t'u rikthehet dëgjimi dhe të riaftësohen.

Dorëzuar në redaksi më 9.10.1986

BIBLIOGRAFIA

- 1) Ballantyne I., Groves I.: Diseases of the ear, nose and throat, 1979, 2, 165.
- 2) Boçka A.: Mjekimi kirurgjikal i otosklerozës, Tiranë, 1980, 43.
- 3) Portman G.: Traité de technique opératoire ORL, Paris, 1962, 354.

Summary

SURGICAL TREATMENT OF TWO CASES OF DEAFNESS FOLLOWING MULTIPLE TRAUMAS

Two cases of profound traumatic loss of hearing are analysed. In both cases the explorative tympanotomy under microscope revealed the rupture of the chain of ear ossicles. After surgical reestablishment of the bone sound conduction both patients recovered a considerable degree of their hearing.

Résumé

TRAITEMENT CHIRURGICAL DE DEUX MALADES ATTEINTS D'UNE SURDITE POST-TRAUMATIQUE

Les auteurs ont étudié les résultats post-opératoires chez deux malades qui présentaient une baisse considérable de la transmission auditive après un traumatisme. La tympanotomie explorative sous-microscope a mis en évidence une discontinuité des os responsables de l'audition. Après l'intervention on a constaté une amélioration considérable des troubles de l'audition.